

տակը, ուր կանգնած է չորս բաժանմունք ունեցող աղյուսաշեն բաղնիքը, որի պատերի ստորին մասերը քարաշեն են: Շենքերը թաղածածկ են և ներսից երեւում են սվաղի հետքերը: Պատերի մեջ մնացել են տաք և սառը ջուր մատակարարող կալն խողովակները (երկար. 36 սմ.): Մի շարքում են դասավորված սառը ջրի (11 սմ. տրամագծով) և տաք ջրի (հավանաբար 7 սմ.) խողովակները: Կաթսալատունը եղել է նկարագրված շենքերից դուրս: Բերդատեղի պարիսպներից դուրս կան բազմաթիվ մեծ կառույցների ավերակներ, իսկ հարավարևելյան կողմում, գետակի մյուս ափին անտառի մեջ տարածվում են բազմաթիվ տնատեղերի և իրարից բավական հեռու երեք թաղածածկ կիսավեր եկեղեցիները: Այդ ամբողջ տարածու-թյունը մեծ ավանի մնացորդների հետքեր է հիշեցնում:

ԽԱՉՔԱՐԵՐԻ ՎՐԱ, ՈՐՈՆՔ ԿԱՆԳՆԱԾ ԵՆ ԵՂԵԼ «ՄՈՒՂԴՈՒՄԻՆ ԳԵՐԵՋՄԱՆՈՏ»

ԿՈՉՎԱԾ ԳԵՐԵՋՄԱՆԱՏԱՆԸ

434. Սուրբ խաչս բառեսաւս պարոն Ղալաբէկին. քվ. :ՌԿ: (1611)

435. Սուրբ խաչս է բառեսաւս Խանխաթունին հոգուն: Մանկասարին:

436. Սուրբ խաչս բառեսաւս Խաթունին հոգուն:

437. Կամաւն Ասուծոյ պարոն սէր Ոհանէս կանգնեցի սուրբ խաչեսու. քազաւոր Շահ Աբազն, երկրիս պարոն սէր Ոհանէս:

438. Սուրբ խաչս բառեսաւս Զիլփիխանին:

439. Կամաւն Ասուծոյ ես Ղալաբակի Ո . . . հաւրեղբայր իմ պարոն սէր Ոհանէս դա . . .

440. Ասուած ողորմի Դէլոյիխանին, որ է որդի Սարումին:

441. Ս. ԱՍՏՎԱԾԱԾԻՆ գյուղամիջյան եկեղեցու պատին՝

Կամաւն Ասուծոյ ես սէր Թաթէոս, Մարկոս եղբարես ամեն կանկնեցինք սուրբ Ասուածածնայ եկեղեցիս. Ռըսսակէս աւագ քահանայ. սէր Ասուած ողորմեա.

Հրատ. Բարխուդարեանց, 200—201.

30. ԶԱՓԱՐ ԳՅՈՒՎ.

Գյուղից մոտ 10 կիլոմետր վեր, խորը անտառի և մացառների մեջ կան շենքերի և գերեզմանատան մնացորդներ՝ մի ավերակի մոտ ընկած

ՆՈՍԷՏԱԻ

ՆԻՆՈՐԶԱ

ՅՍԻԱԿԱՆ

Է ՅԶԸ

ՏԱՅՐԱ

ՄԵՏԵՆ

ԱՆԻԺԱ

ԺԱՅԻՄԵՂ

ԱՅՆՏԻՐՈՆ

ՔԱՐԻ ՎՐԱ

442. . . . ՍԲ. ՍՏԵՓԱՆՆՈՍԻ ՏԱԻՆԻՆ. ՈՐ ԶԱՅՍ ԽԱ-
ՓԱՆԷ :ՅԺԸ: ՀԱՅՐԱՊԵՏԷՆ՝ ԱՆԻԾԱԾ ԱՅ, ԻՄ ՄԵՂԱՅՆ
ՏԷՐ Է

Ծանոթ. Հստ բովանդակության եղել է նաև նվիրատվական մեծ արձանագրություն: